



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 422;
fax. +387 33 726 414
e-mail: info@voda.ba

Broj: **UP-1/21-3-40-655-4/24**
Datum: **24.01.2025. godine**

„Agencija za vodno područje rijeke Save“ Sarajevo rješavajući po zahtjevu pravnog lica „Goraždanska trgovina“ d.o.o. Goražde za izdavanje vodne dozvole za ispuštanje oborinskih onečišćenih voda (tehnoloških otpadnih voda) i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta sa lokacije poslovno-proizvodnog kompleksa objekata namjene: otkup, prikupljanje, primarna prerada i privremeno skladištenje otpadnog materijala, te njegova distribucija, lok. Splavište, grad Goražde, na osnovu člana 139. stav (1) tačke 3. i 10. Zakona o vodama („Sl. novine Federacije BiH“, br. 70/06) i člana 200. stav (1) Zakona o upravnom postupku („Sl. novine Federacije BiH“, broj 2/98, 48/99 i 61/22), donosi

RJEŠENJE **o vodnoj dozvoli**

1. Pravnom licu „Goraždanska trgovina“ d.o.o. Goražde daje se vodna dozvola za ispuštanje oborinskih onečišćenih voda (tehnoloških otpadnih voda) i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta sa lokacije reciklažnog dvorišta namjene: otkup, prikupljanje, primarna prerada i privremeno skladištenje otpadnog materijala, te njegovom distribucijom, izgrađenog u ulici Čajnička bb, grad Goražde, na zemljištu označenom kao k.č. br. 1279 K.O. Goražde II, grad Goražde.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja i utvrđenog činjeničnog stanja na objektu i pod slijedećim uslovima:
 - 3.1. Da se upotreba i korištenje predmetnih objekata vrši u skladu sa njihovom prirodom i namjenom te u skladu sa uslovima iz ove vodne dozvole.
 - 3.2. Da se objekti čija je svrha odvođenje i prečišćavanje onečišćenih voda (kanali i slivnici, kanalizaciona mreža, separator ulja i masti: tvornički broj: 233/19, Norma: N 858-1, godina proizvodnje: 2019., protoka 100 l/s, sa bypass-om, integrisanim taložnikom i koalescentnim filterom, klasa I, proizvođača Bor-plastika Kneževi Vinogradi) redovno održavaju i koriste na način koji će obezbijediti njihovu potpunu ispravnost i funkcionalnost.
 - 3.3. Prečišćene vode prije ispuštanja u recipijent trebaju ostati u maksimalno dozvoljenim granicama definisanim članom 15. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“ broj: 26/20, 96/20 i 1/24).
 - 3.4. Da se redovno vrši monitoring prečišćene otpadne vode iz okna za monitoring shodno članu 19. i 20. Uredbe o uslovima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostave Agenciji u skladu sa članom 23. iste Uredbe.
 - 3.5. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13 i 26/14).
 - 3.6. Ukoliko Vlada Kantona propiše dodatne (strožije) uvjete za ispuštanje otpadnih voda u površinske vode, od uvjeta definisanih u Prilogu 1, Tabela 1.1. Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste zadovoljiti.
 - 3.7. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
 - 3.8. Sadržaj (mulj) iz postrojenja za prečišćavanje otpadnih voda i ostali otpad ne smije se odlagati na česticu „vodno dobro“, odnosno u vodotoke i na njegove obale.

- 3.9. Investitor je obavezan radno manipulativne površine, skladišne prostore i dr. površine redovno održavati, čistiti te na adekvatan način prikupljeni otpad sortirati, lagerovati i uskladištiti u skladu sa uzusima i standardima.
- 3.10. Investitor je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima reciklažnog dvorišta obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
6. Ukoliko radom predmetnog reciklažnog dvorišta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
7. U periodu važenja ove dozvole, pravno lice je dužno provoditi sve mjere i aktivnosti propisane istom.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.
10. Prije isteka važnosti ove dozvole korisnik je dužan da podnese zahtjev za izdavanje nove vodne dozvole.
11. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice „Goraždanska trgovina“ d.o.o. Goražde obratila se ovoj Agenciji sa zahtjevom za donošenje rješenja o vodnoj dozvoli za ispuštanje oborinskih onečišćenih voda (tehnoških otpadnih voda) i za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta sa lokacije reciklažnog dvorišta namjene: otkup, prikupljanje, primarna prerada i privremeno skladištenje otpadnog materijala, te njegovom distribucijom, izgrađenog u ulici Čajnička bb, na zemljištu označenom kao k.č. br. 1279 K.O. Goražde II, grad Goražde. U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

A-Opšta dokumentacija:

- Rješenje o registraciji, broj: 045-0-Reg-08-00031 od 27.05.2008. godine izdato od strane Općinskog suda u Goraždu - ovjerena kopija,
- Uvjerenje o poreznoj registraciji broj:04/1-UPJR/1-4337-2/08 od 30.07.2008. godine izdato od strane Uprave za indirektno- neizravno oprezivanje Banja Luka - kopija,
- Uvjerenje o poreznoj registraciji od 16.06.2008. godine izdato od strane Kantonalnog poreznog ureda Goražde - ovjerena kopija,
- Zemljišnoknjižni izvadak, Katastarska općina:Goražde II broj:045-0-NAR-23-000 249 Zemljišnoknjižni uložak broj:899 izdat od strane Općinskog suda u Goraždu - kopija,
- Rješenje o vodnoj dozvoli, broj:UP-1:04-21-64/20 od 14.02.2020. godine izdato od strane Ministarstva za privredu Bosansko-podrinjskog kantona - kopija,
- Rješenje o prethodnoj vodnoj saglasnosti, broj:UP-I/25-1-40-279-3/18 od 12.06.2018. godine izdato od strane Agencije za vodno područje rijeke Save, Sarajevo - kopija,
- Rješenje o vodnoj saglasnosti, broj:UP-I/25-2-40-558-6/18 od 04.12.2018. godine izdato od strane Agencije za vodno područje rijeke Save, Sarajevo - kopija,
- Rješenje o vodnoj dozvoli, broj:UP-I/25-3-40-656-4/19 od 26.12.2019. godine izdato od strane Agencije za vodno područje rijeke Save, Sarajevo - kopija,
- Rješenje o okolinskoj dozvoli, broj:UP-I:09-19-15/23 od 12.07.2023. godine izdato od strane Ministarstva za urbanizam, prostorno uređenje i zaštitu okoline Bosansko-podrinjskog kantona Goražde - kopija,

- Rješenje o izmjeni i dopuni rješenja o izdavanju okolinske dozvole, broj:UP-1:09-19-13/24 od 14.06.2024. godine izdato od strane Ministarstva za urbanizam, prostorno uređenje i zaštitu okoline Bosansko-podrinjskog kantona Goražde – kopija,

- Izvještaj o inspekciji br.1527/24 od 07.08.2024. godine urađen od strane „Inspekt RGH“ d.o.o. Sarajevo – kopija,

- Ugovor, broj:611118 od 28.05.2018. godine potpisan sa Javnim preduzećem za komunalne djelatnosti „6. Mart“ d.o.o. Goražde – kopija,

- Ugovor broj 26-01/24 od 18.07.2024. godine potpisan sa „Aida Commerce“ d.o.o. Sarajevo sa transportnom dokumentacijom od 16.01.2025. godine – kopija,

- Dokaz o uplaćenju upravnoj i administrativnoj taksi na zahtjev

B- Tehnička dokumentacija:

- Projekat izvedenog stanja vanjskih hidroinstalacija „Goraždanska trgovina“ d.o.o. Goražde urađen od strane TQM d.o.o. Lukavac, novembar 2019. godine (Reg broj: 10-120/19)

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj: 31/15, 55/19, 41/20, 63/22) izvršen je uviđaj na prostoru poslovnog kompleksa objekata za prikupljanje, privremeno skladištenje i reciklažu sekundarnih sirovina i tom prilikom sačinjen Zapisnik o izvršenom uviđaju broj:UP-1/21-3-40-655-2/24 od 22.01.2025. godine.

Na osnovu dostavljene dokumentacije, izvršenog uviđaja na licu mjesta utvrđeno je sljedeće:

➤ Pravno lice "Goraždanska-trgovina" d.o.o. Goražde nalazi se na lokaciji Splavište, ukupne površine 11.647 m² od čega je 8.000 m² asfaltna površina, 1.000 m² je magacinskog prostora (montažnog i kontejnerskog tipa) i 200 m² površine upravne zgrade. Prilaz lageru preduzeća je obezbijeđen asfaltiranom saobraćajnicom.

➤ Osnovna djelatnost preduzeća "Goraždanska-trgovina" d.o.o. Goražde je: prikupljanje i otkup sekundarnih sirovina, tretman (sortiranje, presovanje i sl.), manipulacija, privremeno skladištenje i distribucija opasnog otpada i sekundarnih sirovina - komunalnih otpadaka.

➤ U okviru kruga pravnog lica izgrađeni su sljedeći objekti i sadržaji: poslovni prostor za administrativno - komercijalne potrebe, otvoreni prostor za skladištenje otpadnih materijala, odgovarajući broj kontejnera, dio otvorenog prostora rezervisan za skladištenje otpada koji se ne može odmah preraditi (staklo, spužva, otpadni lak sa automobila i sl.), zatvoreni prostor za smještaj i čuvanje otpada podložnog vremenskim utjecajima ili opasnog po okoliš (olovni akumulatori, razne baterije, elektronski otpad i dr.), posude za rabljena ulja te kamion sa „grajferom“, viljuškar, kamionska vaga i druge odgovarajuće vage (mehanička, digitalna i sl.).

➤ Snabdjevanje vodom se vrši iz gradske vodovodne mreže.

➤ Kao tečni otpad se najčešće javlja rabljeno ulje iz motora i mjenjača automobila i sl. Ova ulja se javljaju uglavnom kod preuzimanja i tretiranja starih vozila. Sve količine rabljenog ulja i drugih tečnih otpadnih proizvoda predaju se ovlaštenom pravnom licu na zbrinjavanje ove vrste otpada, po sklopljenom ugovoru sa „Aida Commerce“ d.o.o. Sarajevo.

➤ Akumulatorske baterije se skladište na betoniranoj površini u namjenskim kontejnerima.

➤ Opasnost od zagađenja površinskih i podzemnih voda je najizraženija u slučaju prosipanja štetnih materija prilikom njihovog skladištenja i manipulaciji (utovar-istovar, oštećenje ambalaže i sl). Pri radu sa otpadnim materijama realno je očekivati pojavu manjeg onečišćenja radne podloge materijama kao što su: tečni energenti, ulja, maziva, antifriz i dr.

➤ Prilikom vršenja uviđaja na terenu konstatovano je da su radno manipulativne površine, skladišni prostori i dr. površine neuredne, nepregledne, te da sekundarne sirovine i ostale komponente nisu na adekvatan način lagerovane i uskladištene, u skladu sa uzusima i standardima.

➤ Pravno lice ne posjeduje sertifikat za zbrinjavanje i reciklažu sekundarnih sirovina, otpadnih voda, neopasnog i opasnog otpada i sl. tj. ne posjeduje Rješenje za upravljanje otpadnom, ali pravno lice C.I.B.O.S. d.o.o. Sarajevo je osnivač pravnog lica „Goraždanska trgovina“ d.o.o. Goražde i posjeduje Rješenje o dozvoli za upravljanje otpadnom izdato od strane nadležnog organa.

➤ Sanitarno- fekalne vode se odvođe u postojeću dvokomornu neprelivnu septičku jamu koja se čisti cca 1x mjesečno.

➤ Oborinske vode s manipulativnih i saobraćajnih površina se prikupljaju sabirnim kanalima, mrežom slivnika i odvođe u separator ulja i masti sa bypass-om sa prelivom preko okna za monitoring u prirodni recipijent – rijeku Drinu. Na predmetnom objektu je ugrađen separator ulja i masti sa bypass-

om sljedećih karakteristika: tvornički broj: 233/19, Norma: N 858-1, godina proizvodnje: 2019., protoka 100 l/s, sa bypass-om, integrisanim taložnikom i koalescentnim filterom, klasa I.

➤ Uvidom u informacijski sistem voda Agencije utvrđeno je da su objekti izgrađeni van vodnog dobra. Pored navedenog utvrđeno je da su uz parcelu izgrađeni nasipi za zaštitu od velikih voda rijeke Drine.

➤ Uvidom u Izvještaj o monitoringu kvaliteta i kvantiteta otpadnih voda za objekat „Goraždanska trgovina“ d.o.o. Goražde urađen od strane „Inspekt RGH“ d.o.o. Sarajevo, br.1527/24 od 07.08.2024. godine konstatovano je da izmjereni parametri zadovoljavaju granične vrijednosti emisije otpadnih voda koje se ispuštaju u prirodne recipijente u skladu sa Uredbom o uslovima ispuštanja otpadnih voda u okoliš i sisteme javne kanalizacije («Sl. novine Federacije BiH», broj:26/20, 96/20, 1/24).

➤ U periodu od izdavanja Rješenja o vodnoj dozvoli pravno lice nije vršilo dogradnju ili izgradnju i instaliranje novih objekata i/ili sadržaja na predmetnoj lokaciji. Na osnovu dostavljene dokumentacije i utvrđenog činjeničnog stanja, a u svrhu smanjenja negativnih uticaja predmetnog reciklažnog dvorišta i aktivnosti na stanje voda i vodni režim, podnosiocu zahtjeva su ovom vodnom dozvolom propisani uslovi u skladu sa odredbama člana 115 - 118. Zakona o vodama i članova 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva „Goraždanska trgovina“ d.o.o. Goražde ispunio minimum uslova za izdavanje vodne dozvole za ispuštanje oborinskih onečišćenih voda (tehnoloških otpadnih voda) i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta sa lokacije reciklažnog dvorišta namjene: otkup, prikupljanje, primarna prerada i privremeno skladištenje otpadnog materijala, te njegovom distribucijom, izgrađenog u ulici Čajnička bb na zemljištu označenom kao k.č. br. 1279 K.O. Goražde II, grad Goražde, te je riješeno kao u dispozitivu ovog Rješenja.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH“, broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

mr Selma Merdan, dipl.inž.geol.

Prilog: Tehnička dokumentacija navedena pod tačkom B obrazloženja rješenja

Po ovlaštenju
Rukovodilac sektora za izdavanje vodnih akata


Nihad Pezo, dipl.inž.građ.

Dostaviti:

- Goraždanska trgovina“ d.o.o.
Čajnička bb, 73000 Goražde, (kao u prilogu),
- ⊗AVP Sava, ISV – Vodna knjiga,
- Sektor 50,
- Sektor 40, arhiva,
- Oglasna ploča-AVP Sava